

ديوان

وطن في القلب

أشعار

فاطمة عجيبية

مكتبة جزيرة الورد

مكتبة جزيرة الورد

اسم الكتاب : ديوان وطن في القلب

اسم المؤلف : فاطمة عجيبة

رقم الابداع / ٢٠١٦/١٥٨٢١

حقوق النشر محفوظة

مكتبة جزيرة الورد

الطبعة الأولى ٢٠١٦ م

٤ ميدان حليم خلف بنك فيصل الرئيسي

شارع ٢٦ يوليومن ميدان الأوبرا

ت : ٢٧٨٧٧٥٧٤ م : ٠١٠٠١٠٤١١٥ - ٠١٠٠٠٤٠٤٦

إهداء

إلى أمي الحبيبة " الأم المثالية " .

التي كانت سببًا حقيقيًا في نجاحي واسعادي من خلال نصحتها
الدائم ومعاونتي على الاستمرار فلها مني كل شكر وحفاوة .

إلى زوجي الحبيب " أبو أولادي " .

الذي كان وما زال من أهم أسباب تفوقي لم يبخل بالعطاء وإزالة
العقبات من طريقي وتشجيعي المستمر فله مني كل حب وتقدير .

إلى أصدقاء الدراسة والعمل الذين يشجعونني على مواصلة
التفوق وغرس روح التحدي بداخلي .

فكل هذه الأسباب كانت وراء نجاحي .

كما أحمد الله من قبل ومن بعد وما توفيقني إلا بالله لأنه سبحانه سخر
لي سبل النجاح ومثل هؤلاء الأشخاص .

مقدمة

في بحور هذه الموجات الصاخبة الهائلة وفي خضم هذا الضجيج السياسي والاجتماعي وسلاسل الدم وخصام الابن للأم والحياة التي أصبحت للأسف بعيدة عن الإنسانية تتغلب فيها المصلحة على القيم فقد غلب المال والجاه والسلطان وتراجعت القيم في نفوس البعض .

السياسة ضجيج والعبادة عادة والسلوك نفاق رغم كل هذا إلا أنني سجلت قصائد في حب الوطن ومعاناته ومشاكله أملا في البحث عن حلول ورغبة في عودة الانتماء والاحساس بقيمة الأرض .

فقد شرحت قصائدي في حبي وانتمائي للوطن التي أرجو أن تعود مرة أخرى فليس لنا مكان بدون وطن وكيف يكون الوطن دون انتماء لذلك فعنوان ديواني : " وطن في القلب " .

الافتاحية

حببتي مين

سألوني عن خوفني عليك

وليه دايا بتحاك أنا بيك

في ايه يعني زيادة عن غيرها

قلت إزى دا خيرى من خيرها

قالوا كمان ظلمتني كتير

قلت هواءها في قلبي عليل

حضنها دافع عمره ما يميل

قالوا حببتك فاردته ضلوعها

قلت وماله وأنا أداوي وجعها

قالوا حببتك قاسية عليك

قلت stop دا أنا مهما داريت

عمري ما حأنسى أنها صابنتني
وواقفة معاي والناس ناسيني
حد يا ناس يقدر ينساها
وأنا كل حياتي كده في رضاها
وفي الغربة بأحن إليها
وأفكر في أيامها ولياليها
وارجع أقول سأمحيني خلاص
أنا من غيرك مليس إحساس
عايش من غير روح جواي
علشان قربك هو مناي
بصراحة انت ما ليك مثيل
وأنا كان نفسي أرد الجميل
وأعلنتها وبكل صراحة
بجميك وتعيش مرتاحة

وساعحيني لو يوم غلطان
أنا في الآخر أنا إنسان
وبأطالب بحقوقى أنا فيك
يمكن أقدر يا حبيبتى أفديك
وأضحى بروحى علشانك
ولا أشوف حد يهز مكانك
أصلك غالية يا روحى عليه
علمتنى معنى التضحية
وحنانى بقى كله داليك
تعيش يا رب وأقدر أحملك

وطني مين يشبهك

قالوا عن مصر

أم الدنيا ولف الدنيا

حترجع تاني تعرف كل معاني كلامي

وحتحلف إن بلدنا الغالية دي

أم الدنيا

فعالاً غالية يا مصر علينا

ولو بأيدينا نضحى بروحنا

من غير حد ما يجرح فيك

أو يقدر حتى يعاديك

دا أنت يا بلدي غالية عليه

علمتني معنى الحنية

واتربيت وعشت أنا على خيرك

إزي أنسب فضلي لغيرك
والله يا بلدي ما ليك شبيه
ولا بيهمك مية تشبيه
وزي ما فيك ناس بتدمر
نلقى شباب في الصحرا بيعمر
حفرو قناة وصنعوا حياة
دا الخير بينا انشاء حيكتر
ودا كله علشان عزيمتنا
وإصرارنا نواجه أزمنا
ولا بيهمنا من التهديد
علشان قلبنا على بعض أكيد
وأرجع تاني وأقول من الأول
مصر أمان اليوم وعامنول
يكفي إن الإرهاب متخفي

مهبا جيعمل خيرنا مكفي

لكن بص يا عيني على ليبيا

واللي جراها

وسوريا كمان واللي بيجرى لها

ناسها يا عيني من الخوف هجروها

ورفضوا يعيشوا جواها يحموها

وغيره وغيره ومهبا راح أحكي

بلدي أمان وأمانها دا يكفي

وأخيراً يحميك يا بلدي

علشان تقدرني تحمي لي ولدي

وأحفظ جيشنا يارب أمين

والشرطة احنا مش ناسين

دول هما لينا حصن أمان

شرطة وجيش والحق بيان

وطني

مصر دي وطني ... أفديها أنا بروحي
والأرض دي أرضي ... بتداوي جروحي
والنيل بيروينا ... يحمي أراضينا
ويا مصر يا أمي ... أفديك أنا بدمي
ولا أشوف دموع عينك ... نازلة بتكويني
وتحبة للشهدا ... اللي بيحمونا
وعلى الحدود واقفه ... للي بيعادونا
رافعين في ايدهم ... سلاح يشرفنا
راح يقضوا على العُمله ... والكل يعرفنا
إن أنا المصري ... ولا يمكن أتساهل

يا رب احمي مصر
يا رب إحميك يا بلادي
يا ساكنة في روحي وفؤادي
يا مصر يا بلدي يا معادي
يا أرض أجدادي وأولادي
الثورة قامت في الميادين
وخصومها يا ناس دول مصريين
يا رب ارحمنا قولوا آمين
دا شعب النيل صابر وحزين
حافظوا عليها من الأعداء
أملوها حب وخير وولاء
عايزين بلدنا تعيش في صفاء
وكفايه كره وغيظ وعداء

أصرخ معانا بصوت مسموع
وأمسك في ايدك علم مرفوع
يمكن نداوي هموم ووجوع
ونلم شمل حزين موجوع
دي بلدنا نفديها بالروح
وتعيشي يا بلدي طريق مفتوح

وأه يا مصر " الطيارة المنكوبة "

وأه يا مصر صعبانه عليه

مليانة هموم كده وأزيه

بيحاولوا يهدموا أراضيك

والظالم عيناه كده على عينك

عبارة ومرة وطيارة

وحرابق ونفوس خدارة

ويا رب لو كانوا عايشين

ارحمهم يا رب آمين

ولو كانوا ماتوا دي مأساة

ولا ليهم غير بر نجاة

ارحمهم من فزع النار

دول قاسوا وماتوا أبرار

ويا رب صبر أهاليهم

وعوض علينا وعليهم

الباخرة سالم اكسبرس

ابني حبيبي بعث لي جواب

قالي خلصت من العذاب

رزق جديد يا امه على الباب

والنبي يا امه بلاش عتاب

عارف إن قلبك داب

حأجي أجازة بعد غياب

عايزك يا امه تكوني مرضية

تدعيلي وانت مصليه

حأجي أشوفك وأجييلك هدية

انتظريني الأجازة الجاية

عايزه أجييلك أيه يا عينيه

الدنيا كلها هاينة عليه

نفسى تضميني بحنية

رُحّت وجريت على الميناء
ودموعي من الفرحة حزينة
أخيراً حاقابل ابني الحيلة
فجأة سمعت صراخ ونواح
قالوا اللي على المركب راح
ناس غارقانة ومرمية
غير اللي ضايعين في الميه
قلبي دق وعيني بتذوغ
عايزه أعرفله هويه
ماسكه صورته في ايديه
روحت فين يا ابني الغالي
لا أنت حي ولا اقبالي
أعمل ايه وأروح على فين
نار في صدري وعينه

شوقت الغلبان

سألوا غلبان عن سر ضحكك

إنّ إزّي يعني بتضحك وشكلك باين عليه سعيد

دا أنت فقير دقّ مش لاقى

بتقضي يومك جري وتنهيد

رد الفقير

وقال وماله هو الفقر فقر الجيوب

لا يا سيدنا الفقير هو اللي مليون بالعيوب

شغال يوماتي

بأسعى على رزقي بالحلال

وأقل حاجة كده بترضيني

ودايبا راضي بأي حال

فقير في جيبي ومش معاي

بأحمد ربي وراضي دايا وده كفايه

لا عندي عله زي فلان

غني ورايق لكن تعبان

بيجمع في مال وناسي الفقير

وكل همه يبقى الكبير

عرفت ليه وشي سعيد

وراضي بحالي ومش عنيد

طالب رضاك يا رب الكون

تديم سعادتي دايا وأكون

شاكر لفضلك على كل حال

قناعتي في الرضا وراحة البال

ليه يا بلدي

ويا بلدي جرى فيك ايه

والظالم راشق بعيناه

حرايق في كل مكان

في العتبة وكمان في بولاق

غير سرقة وخطف وخناق

وأخرهم طيارة كمان

منكوبة وتاه الإعلان

ومصادر قالت مخطوفة

وأثينا تقول دي حطام

وفرنسا بتسن لجام

ويا بلدي مات منك كام

أنا عارفة إن الظلم محاوطك

والظالم بيزيد في مخاوفك
والفتنة يا ريت بر البيت
كنا نقول هانت وعديت
وآه يا بلدي مظلومة من مين
مين ضناك ابو قلب حزين
اللي ضحى بيك علشان
يتهنى بشوية مال
نسى أرضه وعلى المبدأ مال
وضيعنا وسلم بالحال
ودا كله علشان ايه يا ناس
علشان سلطنة مفيش احساس
على أرضه يدوس بايده
وإزي بس هانت عليه

ما هو أصل زمان قالوا في الأمثال

" دود المش فيه يا عيال "

والضربة جايه لينا منين

طبعا مين ناس وسطنا عايشين

لكن عايشين من غير روح

بتألم وقلبنا مجروح

وشايفين وراضين بالحال

والله الدين عمره ما قال

نتقاتل طبعا دا محال

الدين قال

اعتصموا يا ناس

بجبل الله ... وعيشوا بإخلاص

ويا خساره ضاعت الأخلاق

وبقاينا في نزاع وفراق

وأه يا بلدي ... منه لله ...
اللي بيخطط لازى يلقاه
ويا رب نعيش على طول
ونملاك زغاريد وطبول
والمحن أكيد حتقوينا
وحتزود عزيمتنا فينا
نصبر بس ... دا الصبر جميل
وانشأ الله مفيش مستحيل
ومحروسة ومحفوطة يا مصر
دلوقتي وفي كل عصر

رسالة للوطن العربي

الوطن العربي لو اتجمع

عروبتنا يعني محبتنا

يعني نساعد بعض شويه كده في محتتنا

ودي رسالة للوطن العربي

يتجمعوا ويكونوا إيد واحدة

وقلوبهم لو كانت متحدة

نقدر نغير قرارات

مش بس فوضى وثورات

عايزين حلول جذرية

ونحاول نحل قضية

وتكون رسالتنا دا هيه

عروبتنا بحقوق دولية

والعالم يعمل في حسابه

إن الوطن العربي إذا سابه

واتجمع ثاني وياى أحبابه
الغرب حىخسر دا أكيد
ولا نافع ظلم وتهديد
ويا ريت يا عروبة تكوني
حاسة بهمومي وبشجوني
ونتوحد كفاينا فراق
دا الوطن العربي مشتاق
مشتاق يرجع ثاني لأرضه
المستعمر هزمه وطرده
والله الوضع حيتغير
دا الخير في بلادنا كثير
والغرب دخانه بيطير
بس انوي يا عرب واتجمع
وقفتكم دي يوم حتسمع
ويا رب انصر أراضينا
ولا يشمت العدو ثاني فينا

يا رب احفظ مصر

يا رب احفظ مصر اللي قال عليها الرسول الأمين

أهلها في رباط إلى يوم الدين

وزي ما قال الكتاب

لكل شيء لازم أسباب

ومصر كانت رايحه للدمار

فقر وجوع واستعمار

وفجأة ظهر منقذ همام

اسمه ووصفه راجل المهام

أنقذ بلدنا من البركان

بخبر مصيري قاله في بيان

قال دي مصر دايا حتكون

قد الدنيا ... وأنا ليها حاصون

صحيح بلدنا محظوظة يا ناس
فيها رجاله ذمة وإخلاص
من عبد الناصر وراءه السادات
والوطني السيسي حل الأزمات
وقف واتحمل لوحده القرار
وقال في بلدنا رجاله أحرار
فتح دراعة وطبب علينا
وفي عز الأزمة نلاقه حوالينا
كسب شعبية ملهاش حدود
وخلاص بقى اسمه في التاريخ موجود
ياما حاولوا أعدائه يكيدوا ليه
ويقولوا كلام وربنا يحميه
وزي ما قال المثل زمان
"تيجي تصيده يصيدك كمان"

وعلشان إنسان وقلبه علينا
كلنا نفيديه بروحنا وعيننا
وبأقدم شكري ورسالة إليه
يا رئيسنا المخلص والناس حوالبه
وعلى قد حبك للمصريين
حتلاقي الشعب وراك ملايين
إمشي في طريقك وربنا وياك
واحنا وبلدنا والله معاك
شرطة وشعب وجيش
علشان في مصر نعيش

في حب مصر

في حب مصر

كل شيء ممكن يهون
هي الأم وهي الحضن الدافئ الحنون
هي الوطن وهي الأرض
وحبي ليها سنة وفرض

في حب مصر

ايه يا ترى ممكن أقول
خايفه أنسى أو أقصر
في حقها ودي مش أصول
مصر هي الأمان والمكان والكيان
مصر اللي محفوظة ومذكورة في القرآن
مصر اللي قالوا عليها مهبط الأديان

فيها أمي وفيها أبوي فيها صاحبي وجاري وأخوي

في حب مصر

ياما قاسيت

وعن حاجات كثير كمان خبايت

ياما داريت ياسي وخوفي

ياما عانيت وداريت كسوفي

لكن انتمائي كان بروضه ليها

وحبي ظاهر وبابن عليها

في حب مصر

ممكن يكون بكلمة حلوة

أوزهرة من بستان غصون

في عهد ممكن بيه أصون

في حب مصر

أقدر أقدم الكثير

أقدر أصنع وائتاجنا يكون وفير

في حب مصر

لازم نضحى ساعتها الخير يزيد ويكفي

لو نسينا الطمع ومعنى الذات

ممکن نلحق قطر الحياة ونعوض اللي فات

في حب مصر

مرفوض الوقوف اوعاك تقول مُضرب أو نعتصم هنا بالألوف

في حب مصر

مش كلام ولا أغنية

أو مشاعر تآثر حبة فيه

حب مصر فعل وصحيح

يعني نغير وضعنا كده بالتصحيح

في حب مصر

قال عليها سيدنا الرسول

خير أجناد الأرض في المبادئ والأصول

في حب مصر

يوسف الصديق فيها عاش

وقال الخير في مصر ما انتهاش

في حب مصر

كلم المولى موسى الكليم

في طور سيناء وهداه للطريق المستقيم

في حب مصر

قالت نفيسة العلم نفسي أموت واندفن فيها

وعلى أرضها الطاهرة الذكرى تحييها

في حب مصر

حتلاقي أحفاد الرسول

سيدنا الحسين اللي حياته تتحاك في كل العصور

في حب مصر

ممكن نلاقي غنيم ونجيب ومجدي يعقوب وسومه والخطيب

في حب مصر

ياما قال عنها أكبر الشعراء

مصر اللي حاضنة في بطنها الغلابة والأمراء

في حب مصر

ياما حلم العدو فيها يكون

له مكان على أرضها وله يصون

لكن مصر الأبية

اللي ولادها مية مية

تقدر تخطي في المحن وتعيد زمان

وتخلد المجد والحضارة

وتثبت لكل العالم ان ليها مكان

مصر مين
هي أمي هي أمك
هي أم كل المصريين
نيلها صافي غزير موافي
يارب دايبا مدى السنين
ترايبها عنبر مسك مكرور
محروسة دايباً من العينين
هرمها عالي للكل غالي
فراعنة أصله مصريين
ممر ومعبر لكل رسول
وصفك قرأنا وقال أمين
أدخلوها مصر آمينين
يارب دايبا مدى السنين

خير الأجناد هما ولادك
رافعين راية الوفي والدين
ساعة الشدائد واقفين رجاله
وفي كل ذنقة والله سدين
٦ أكتوبر حرب السلام
يارب تعيشوا يا مصريين
فيك مصانع وكميان مزارع
نهضة وعلم وفن ودين
أحمد زويل راجل عظيم
يارب دايمًا من الفايزين
مجدي يعقوب جراح متين
جراحته فن للتأبين
مصر عظيمة واحة كريمة
ممر آمن مدى السنين

فيك كمان مترو الأنفاق
فن وخبره وناس قادرين
خفف من الزحمة
ورحم الصفوة من المساكين
مصر المحبة الرحمة فيك
للكل فيها ذوق ولين
سدك العالي في مكان غالي
والله احنا ناس غاليين
قناة السويس جسر متين
وصرح عظيم للمصريين
ولانني ليك وأبكي عليك
لو حد فكر من الغادرين
بجھيك ربي وتعيش مصر دنيا ودين

صعبانة علي يا بلدي

صعبانة علي يا بلدي اللي بيجرى فيك
ولادك يا بلدي ... زادوا مآسيك
علشان منصب يا بلدي ... يخربو فيك
وإزي كده هونت ... والعمر راح فيك
لأ وكمان يا بلدي ... قابلين تعازيك
مش ممكن يكونوا منا ... اللي بعاديك
أكيد دول زرع شيطاني ... موجود في أراضيك
يقتل ويضحى بروحه ... ويقول أنا أفديك
يقتل جاره وصاحبه ... ازي كده ناسيك
نسى انه فيك أتعلم ... وايدته في ايداك
نسى انه كان في يوم ... نفسه يداويك
ولو حد فكر يهينك ... يقول أنا أفديك

راح فين شبابك يا بلدي ... يا شاة العدو فيك
قاعدين بنقتل في بعض ... ونلوث أراضيك
بقي كده الشهامة يا مصري ... دي مصر مش ليكوا
انتوا مش تستحقوا غير قبر ياويكوا ... حتى الجنسية حتضيع كده بأيديكوا
ياريتكوا تسيبوا مصر ... وتنسوا مين ليكوا

قناة السويس الجديدة

افرح يا مصري يا الله

بقى لنا شريان حياة

خلاص بقى لنا كمان أكثر من قناة

قناة السويس الجديدة

حتساعد في الحياة

حتوظف لنا شبابنا

وحتخفف المعاناة

حتزيد في الدخل القومي

وحتبقى طوق نجاة

وتحبة للجنود اللي واقفين هناك

اللي سايين بيوتهم ورضيوا بالهلاك

وقالوا احنا حنكمل لو حتى فيها نموت

ولا يمكن نسمح ثاني للفوضى فينا تفوت

وأنا عايزة أحبي كمان

المصريين الجدعان

اللي راحوا على البنوك

واشترتوا فيها شهادات

وساعدوا في الاقتصاد

ووقفوا بالساعات

وبأقول كلمة حلوة للي بيقولوا؟

عيب حافظ على أرضك وعيش في أمان

وبأقول للجيش بتاعنا

ربنا يارب معاك

والعالم كله سامعنا

والشعب بحاله وياك

ويا مصر في قلبي ليك أعظم مكان

في الخير والحب نعيش أهل وخلان

دا فيك نيل وهم

وقناة لينا شريان

ويارب يعم الخير

ونعيش زي زمان

والأمن يرجع تاني

والحب في كل مكان

طوق النجاة

العبادة في الإرادة وياي شعب

نفسه سيادة شاف بعينه ظلم

غيره لكن صمم على العبادة

اللي غير يوم ضميره

اللي حور كمان في دينه

اللي قال بأعلى صوته

اللي خرج من سكوته

بعد ماداق الاستبداد

بعد الوصل إيجي الفراق

وقف وقال بأعلى صوته

مصر مش ممكن تفوته

الإرهاب إल्ली عامنا

اللي بالباطل دعانا
لكن فجأة نسى مخاوفه
وظهر شهيم والكل شايفه
بطل وزال عنه الستار
لما خد يا ناس قرار
أخد قرار أنه يصون
وأنه مش ممكن يخون
هو ده زينة الشباب
اللي صفى لينا الحساب
"اللي كشف لينا الأسباب"
هو ده السيسي العظيم
اللي كان غايب سنين
وفجأة ظهر طوق النجاة
علشان في مصر نعيش حياة

اللي جمع الحدود
اللي حيوفي الوعود
كل وعد عليه بدين
حنحلقه يحلف يمين
أنه هيصون البلاد
وان عهدہ خلاص ميلاد
حملك يا مصر كان عسير
لكن خلاص ظهر المشير
ومبروك علينا يا مصريين
بعد الفراق حب وحنين

مسافر

أنا حارحل خلاص وأسيبك يا مصر

وقلبي بتقطع عليك من العصر

بس غصب عني لازم أروح

وبالسر اللي في قلبي أبوح

يعني آيه عايش في بلدي

ومش لاقيلي مكان

يعني آيه تعليمي كأنه في يوم ما كان

فين حقوقي مش لأقيها

ليه همومنا بنأسيها

كل ريس يجي يتكلم على الرواتب

والوظايف والمكاتب

طب واللي مش لاقني وظيفة

واللي دايبا جيوبه نظيفة

ليه نسيته من الحساب
هو ده حق الشباب
نفسى الاقي لسؤالي عندك جواب
ولا لأ ملوش لزوم
هي قضية كل يوم
أنا حارحل من سكات
يمكن ألحق قطرات
لكن خايف أموت هناك
ولا أتهدل في الهلاك
يعني فيها الغربية أيه
غير بهدلة وظلم نقاسيه
يا ترى يا بلدي ذنب مين
ذنبى إني فيك فقير
ولا ذنب الوسطة وابن مين
ليه يا وطني فيك الفراق

بدل ما تجمعنا الأشواق
ليه أسيب أمي وأخوي
وأبعد عن صاحبي وأبوي
ليه فيك مش عارف أعيش
غير اللقمة ما لقايش
ولا السبب ظلم الحكام
اللي سرقوا منا الأحلام
ولا قسموا الميراث
اللي هدموا لنا الأساس
اللي خلوا النور ظلام
اللي حوروا الكلام
هو الحل في الرحيل
والبعاد أحسن سبيل
بس قابله نفسي أقوله
أكيد يا وطني فيك مسؤول

حنيني مصر

يا الله يا مصري أيدي في إيدك

بنني ونزرع كام فدان

صحرا طويلة مالها نهاية

محتاجة عزم وشباب جدعان

إيني بلدنا وعمر فيها

تبقى صحيح وأكيد إنسان

إوعى الميه تهدر فيها

عارف النيل هو الشريان

شجع كل صناعة مصرية

أصل المصري راجل فنان

إحمي معانا أرض بلدنا

هي الفتنة ليها زمان

مسلم قبطني أي ديانة
كله تسامح في القرآن
أبدأ أنت وسامح نفسك
ساعتها حتوصل للعنوان
كل هدفنا كان في الثورة
يبقى في بلدي لي مكان
وبعد نجاح الثورة خلاص
راح الظلمة وراء القضبان
حتى كمان دستورنا أتغير
وبقى لينا صوت في البرلمان
مجلس شعب كل ملامحه
صورة صغيرة من الميدان
كل آمالنا نلقى في يوم
حق وراجع للغلبان

كل مطالبى فيها حرية
نفسى العدل يبقى ميزان
ساعتها حنقدر نبني نعلى
وتفضل مصر أحلى الأوطان
ياالله معانا نحمي الثورة
لا للظلم أو العصيان
يعنى الطاعة بس بحكمة
ساعتها حنوصل للعنوان
صنع أزرع وأبني فى مصر
حنأكل خيرها ونعيش فى أمان

بأحلم

بأحلم بالأمان

وفي بلدي أعيش إنسان

القالى مكان في وظيفة

وأشرب ميه نظيفة

وأشعر بحب زمان

وأشوف لمة جيران

بأحلم بالظلم يموت

واللى ملوش وسطة يفوت

وتخف كده الطوابير

وكفاينا حياتنا روتين

بأحلم بعلم مرفوع

بيهز جو الضلوع

أحس بالولاء
وأداوي عليل مشتاق
بحلم بالدفء يملانا
والحقد يمشي ورائنا
وفي عز البرد نكون
وقلوبنا للخير تصون
بأحلم من بكره ما أخاف
وأنا قلبي ياما قاسى وشاف
بأحلم تخف الأسعار
قبل الناس ما تنهار
رغم إن ظروفنا صعبة
وحياتنا مملّة وتعبة
بأحلم آخذ يوم حقي
والدنيا مرة تروقلي

وأكيد حلمي حيثحقق
والعهد الحالي حنصدق
إن الاخلاص دا في يوم
حنعيشه وتنسى هموم
وفي عهد رئيسنا السيسي
أفرحي يا بلدنا وهيصي
حنعيش من تاني معاة
وحنسى معنى الآه
رغم ان الحمل ثقيل
لكن الصبر جميل
ودا كله علشان مصر
معروفة دايا بالنصر

عزيمة المصري

بعزيمة حنעدي ... رغم إللي جرى فيك
حقك كمان عندي ... وإن طال سكوتي عليهم
الذنب مش ذنبي ... ذنب انشغالي بحالي
وهوموي كده بعيالي ... وأقبل وأعيش وأنا ساكت
وياريت كمان راقث ... ولما زاد حملي
قلت بقى أحكي ... وأجري في أي ميدان
وأصرخ وأقول غلبان
يمكن الأقي ناس ... تقدر تواسيني
وتصرخ في وش الظلم ... وتقوله يكفيني
ولما الحال انعدل ... وانكشفت الغمة
والثورة نجحت كمان ... وفرحت الأمة
طمع وجشع وفوضى ... وكمان عادونا

ولما وقفنا قصادهم ... قالوا حنمحيها
وزرعوا فيها الفتن ... وقالوا ياقبها يانخفيها
وهتبقى بحور دم ... رد اعتبار لنا
وبدأوا يوسعوا الخلافات ... ويقتلوا فينا
ورغم دا كله يابلدي شايك ... على اکتافي
بنواجه الارهاب ... اوعاك كده تخافي
انت يا بلدي الأصل والأصل على ... طول باقي
وفي عز الشدة يابلدي لو عوزتي ... هتلاقي
كلنا فداءك يابلدي ... يا أرضي وفوادي
ولو روحنا شهدا علشانك ... وتعيشي يا بلادي
وأمسح دموعك يا بلدي ... وتعيشي مرفوعة
ولا حد يوم يهينك ... والحجة مشروعة
لو جف نيلك يا بلدي ... تملاه كده دموعي
وفي الشدة بيان الأصل ... يا ساكنه في ضلوعي

ولو زاد عليك الحمل ... بأدينا حنساعدك
ونشيل همومك يا بلدي ... وأنا ليه مين بعدك
دا أنا باعيش الفرحة ... لو كنت فرحانة
ولو يوم زعلت يا بلدي ... القاك زعلانة
يا حضن في عز البرد ... دايا تغطيني
وكل أزمة عليه كنت تواسيني ... بالحب تعديني

بحبك يا مصر

بحبك يا مصر

وحبك في دمي وبأحكي عليك

لأخوي ولعمي بأقول دي مصر أرضي وعرضي

وحبي ليها واجبي وفرضي

مصر اللي قاسيت علشاننا الكثير

خونة وظلمة ونسيوا الجميل

نسيوا ان مصر هي الأمان

هي الحضن الدافئ بحنان

نسيوا العشرة وهانت عليهم

يقتل ويغدر ولا يبان عليهم

دا كله علشان سلطة في أيديهم

باعوا الوطن

وآه يا ويلك يا مصري

لو من غير وطن
وطني حمايتي
تاريخي وبدائتي
وذكرى حاسيها لابني وبتتي
دي مصر الأمان ذكرها القرآن
وقال ادخلوها
وعيشوا في سلام
وبعد دا كله باقيلك كلام
"بحبك يا مصر"
يا بلد الهرم
حضارة ومنازة
ورافعة العلم
يا مهبط لكل رسالة ورسول
يوسف وعيسى وسيدنا الرسول

انتصارات أكتوبر

أكتوبر يا تاريخ من نور

أبطالك رجاله نسور

والشهداء أحياء في الجنة

والعايش كان يوم يتمنى

لو ضحى بروحه علشان

في تاريخنا يبقى له مكان

وبجهدهم النصر أهو كان

للمصري شهادة وضمان

وفي عامه الـ ٤٢

راح نهتف ونقول آمين

بجيمك يا أرض بلادي

وتعيشوا يا أغلى ولادي

رافعين راية الحرية
دا المصري قبضته قويه
فرعون معدنه أصيل
والقصة من جيل ورا جيل
لو مر بأزمة يعديها
وأرضه بروحه يفديها
والله يا مصري الله
بالعزم راح نمحي الآه
وأكتوبر حيعيش جوانا
وانتصاراته مقوينا
وحنردد بشوق وحنين
من نصر لنصر ميين
وانشاء الله دايبا على طول
الجيش المصري منصور

أمسحي دموعك

أمسحي دموعك يا أمه ما تبكيش
دا اللي مات غالي علينا ما يتناسيش
واللي غدروا بيه يا أمي ما يساويش
لا كمان يقدر ويعلمن ما يداريش
هو مش ممكن يكون من أرضنا
أو يكون جندي وشارك في نصرنا
لا أكيد يا أمه غريب
عمره ما كان يوم حبيب
أكيد كمان دمه مش دمنا
ولا حس لحظة بدفء في حضنتنا
أمسحي دموعك يا أمه وما تخييش
دا أنت ابنك مكانه الجنة فيها حبيش

مسلم وقبطي

طول عمرنا أخوة وجيران

عمر ما بات واحد زعلان

ولا يفرق مسلم ومسيحي

أسمع ترانيمة يسمع تواشيحي

واللقمة نقسمها بجد

وعلاقتنا ولا ليها حد

كانت أمي بتقولي زمان

نجهز حالنا علشان رمضان

وأنا مش فاهم تقصد أيه

يعني جيرانا القبط يا به

اندوقهم من عمائلنا

نلقى بركه وخير حاجيلنا

يعني اتمودت أنا من صغري

انه جنبي في بيتي وفي شغلي

يعني هلال كده جنب صليب

أصل المصري ودود وحبيب

راضي بحالي

أنا عشت ياما سنين

ودموعي سابقاني وأقول يا ربي

أكيد حتغير في يوم حالي

ورغم ده كله سعيد

وأكلم نفسي وأعيد

أنا أحسن من غيري

ولو فكرت زي الناس الخير ما حيبحالي

علشان ده كله مكتوب

وراضي أنا بحالي

وبأقول وأرجع وأتوب

ما أكيد انا الجاني

علشان بأفكر ليه في اللي حوالينا

وناسي كرمك يارب
والنعمة في ايدينا
الصحة يعني مثلاً سبحانه هو العاطي
لو روحت يوم مستشفى أبكي وأطاطي
من حال اللي عيان
ومن ألمه بيهاقي
دا نعمك علينا يارب
بتضيع بأيدينا
ولما نحس بالم
تبكي كده عيتنا
ماهو ديه الإنسان
ضعيف ويكابري
وقليل لو عاش راضي وقال أنا صابر
دايا باحصص لغيره

في اللي على كيفه
ويقول غني ومعاه
عاش شتاه وصيفه
طب بص للغلبان
وازي كده عايش
مش زي بعض الناس
ريشهم كده هايش
دا عنده عزة نفس رغم انه بيعاني
ودايبا عينه مليانه ويقول راضي أنا بحالي
وأنا ليه مكنش زيه وبلاش أشغل بالي
وارضى بالمقسوم وحياتي تحلالي
أكيد لو يوم نويت
حياتنا هتتغير
وحنبدأ من جديد

ومعتش أتحير
سبحانه لما بيرضى
رضاءه يكفيني
وفي أي أزمة تمر
القاء كده هادينني
والحمد ليك يارب
اغفر لي ذللاتي
عرفت اني غلطان وحأغير كده حياتي

المهجرة غير الشرعية

'سماسة الموت'

تجار بيتاجروا بهمومنا ويعقول الناس
قاعدين على البر بتذاكر وهمية يا ناس
يفرّوك بالدنيا اللي حتعيشها لو رحت هناك
ويقولوا عليها دي مغامرة أداريها هلاك
وفي عرض البحر ... اركب مركب مليانه هموم
شباب غارقانه في هموم محتاجه للعموم
محتاجه حد يفوقها وتوصل لأمان
والبر الثاني حيحققها وحيكونله كيان
لكن ناسين انه مخاطر
وازاي يا حبيبي كده مخاطر
كله علشان مين
علشان يبقى معاك المال حتروح يا حزين

حتشيل كفنك كده على ايدك

وضحي يا غلبان

ولا غنى ولا حرية تفيدك

وحتموت غرقان

وتجار الموت واقفه علشانك كده بالمرصاد

ادفع يا حبيبي يا الله

وسافر واعمل صياد

دي المركب مضمونه يا سيدي

كله على الله

والموت ولا بإيدك ولا بإيدي

دا امر الله

وكأنه تحول لملاك وفي أصله شيطان

عمال يتاكه على وجعك ويقول ألحان

حتعيش هناك عيشة نظيفة وتنسى الأيام

وبدال كده كده في الغربية ميهمش كام

يعني يا تنغرب كده صح
يا بلاش من اليوم
أحسن لي أرجع على بلدي كفايني هموم
يمكن هو صح
بيسفر يوماتي في شباب
لكن مين فيهم اللي بيوصل
دي رحلة عذاب
"لو يوصل واحد بيموت عشرة"
ارجعوا يا شباب
أزي هانت فيكوا العشرة
كفاينا عذاب
دي الهجرة غير الشرعية
يعني بتموت من غير ديه
ودا كله ليه
علشان تجار كده بيتاجروا

بعقولنا دي ليه
لازم وقفه نهاجم فيها
تجار الموت
اللي بيتاجروا بشبابنا
علشان يموت
تدخل فيها حكومتنا والرأي العام
ويوعوا شبابنا انها
قصة مليانه أوهام
وياريت نسمع صدى أصواتنا
بتقولي خلاص
انتهت الهجرة الشرعية
وشبابنا يا ناس
أقتنع بكلامنا دا كله بفضل الله
ورفض يسافر ويجازف ربنا يرعاه

تجار السموم

الادمان أصله سيجاره

بدأت بصحبه كده طياره

قالك مصدع عايز تروق

أشرب سيجارة علشان تفوق

أو حتى خد حبة تيمول

حتلقى نشاط وحماس مهول

سيجارة شدت وراءها سيجارة

ومواضعينا كترت في الحارة

وناس بتشرب علشان تتعاقب

وتقول لغيرها أنا أصلي رايق

وكله اتلخبط على كله

ولا فارقة سن ولا حد همه

ابتدائي اعدادي مش شرط جامعة

دا كان زمان كان لينا سمعة

حتى زمان كان فينا خوف

نشرب نداري من الضيوف

الوقتي عادي في أي مكان

قدام أبوه أو الجيران

معدش يفرق

يعني خلاص ضاعت الأخلاق

والورد اتبدل أشواك

لازم نتابع فين دور البيت

مش أم تداري وتقول عدت

لو كل أب تابع دور

أكيد شبابنا راح يتغير

ويبدأ يفكر بعقل جديد

ويختار صديق له يفيد
ما الصحبة برضه ليها توابع
تفسد تدمر يا الله تابع
أعرف ابنك مصاحب مين
وخلي كلامك له بلين
مش بس أقوله اسمع ونفذ
لازم أشجع وكمان أحفز
والله ده حيفرق معاهم
وحنجني خيرهم ونعيش هناهم
وربنا ينتقم من الظالمين
تجار السموم اللي كانوا ناوين
ينصبوا شباكهم على الشباب
وحنعمل حملة ليها شعار
ياريت نبطل وبلاش أعدار

الصحة تاج حافظوا عليه

واسأل مريض حيقولك ايه

ضرر التدخين ملوش علاج غير المقاومة

عندك ارادة أكيد حتقدر من غير مساومة

ويا ريت نقاوم التدخين

علشان بيسبب مرض لعين

كله سلف ودين

كله سلف ودين

حسنة وسيئة الاتنين

عملك راجع تاني ليك

لو خير تلقاه حواليك

ولو ذنب جتته ايداك

ربنا حيروده عليك

وحتندفح تمن اللي جنيت

وحتندم وتقول ياريت

كنت يارب عديت

لو كلمة في حق فلان

خصوصًا لو غلبان

رجعالك تاني عليك

لابنك او يمكن ليك
ولو موقف ظلم في يوم
عملته من غير لوم
حتعيش زيه تمام
وأدفع دينك يا همام
علشان تعرف تمام
وصدق المثل اللي قال
كله سلف ودين
ومكتوب على الجبين

كيف تعامل المرأة

الست انسان ليها دور

مش تمثال بنجمل فيه علشان يكون

أو حتى مجرد زوجة تقفل بابها

قدام الريح حتى لو بيزاز مكسور

ولا واحدة بتتعايق بكلامها

وتقولك ميرسي وبنجور

الست دي كيان عظيم

زي الغصن في لحظة يميل

الكلمة الحلوة تخليها تتحمل حتى أحاديها

وتطبطب وتداري همومها

وتكمل بدموع كده يومها

شوفتوا الكلمة الحلوة يا ناس إزاي بتأثر

مش تعاملها بقسوه وظلم
وكلامك ليها دايبا بيقتصر
هي طبيعة الست دي ايه
حنية وطيبة انما ايه
لو زوجة مسؤلة وياك
تراعي وتسد خطاك
وليها دور أكبر من دورك
ونجاحك بيها وظهورك
ولو ام الله تلاقياها
لو كلمة حلوة تخليها
تدعيلك ليل وياي نهار
تعيش يا ضنابي وتملي الدار
ولو أخت بتراعي أخواتها
ومسؤلة وبتنسى راحتها

وأه لو كانت الست بتعمل بره البيت
أقصد يعني وظيفة تكمل بيها عبء البيت
الكلمة الحلوة تريحتها
وتنسيها كل جراحها
وتديها نشاط وحماس
وترفع رأسها قصاد الناس
أوعى تقولي دا في ستات يكفيننا الشر
دول ستات عايشين في هموم
وبيعشموا يرسوا على البر
بس الفرصة جايز عديتهم
وده من اسباب طبعا تعاستهم
يعني خلاصة كلامنا دا ايه
الستات ليها حق يا بيه
والقرآن وصابنا عليهم

وسيدنا محمد صلوا عليه

قال استوصوا خير تلاقية

وغضبنا لو كان نداريه

صدقني حياتنا حتتغير

ولا عادش فيه خلاص حاجة تحير

دي الكلمة الحلوة دي أساس

أزرع جنية وإحساس

تلقى قلوب الناس دي معاك

والمولى يبسد خطاك

ويارب دي رسالة ورجاء

ننشرها بخير ووفاء

وبعد لك يا زمن

بأبكي عليك يا زمن

وعلى اللي راح مني

بأدفع بيدي التمن

والعمر ضاع مني

وأه يا قطر الحياة

اوعى بقى تعدي

تعبت بكى وندم

بس هنا وهدى

يمكن أعوض شيء من اللي راح مني

وألحق مكاني فيك

يا الله اقف عندي

كفاية بقى يا زمن

اعدل بقى وإدي
إدي اللي عمره حزين
واقف ومستني
انك تحن عليه
والحزن يبعد عني
ويارب بأدعي ليك
لو جيت تحاسبني
خفف عني الذنوب ولا تعذبني

قطر الحياة

كل يوم نودع غالي

وياثرى الدور على مين ؟

البدنيا يا ناس زايله

والناس ملهين

بنمصمص في الشفايف

على فراق الغالين

وبعد كده لحياتنا على طول

بنكون راجعين

ويمكن الغالي اللي راح

بنكون له ناسين

نفتكره في المناسبة

ونقرأ عليه يس

ونرجع تاني لحياتنا
ويمكن نكون ظالمين
ياعيني عليك يادنيا
وعلى الغلابة العايشين
مهها حنعمل فيك
أكيد ليك فاييتين
الدنيا زي القطر ومسيرنا في يوم نازلين
لما تيجي المحطة حتنزل لو كنت مين
لافي حجة حتنفع
ولا وسطة بني آدمين
وأه لو ايجي الموت
واحنا مش جاهزين
ونقول لقطر الموت
سيينا والنبي راكبين

حتعيش مهبا تعيش
وفي الآخر ماشين
فكر تجهز نفسك علشان كلنا مسافرين
"الزاد يعني التقوى"
والصدقة للمحتاجين
أوعاك تأجل عملك
هو احنا ياناس ضامين
وأحسن دايا على الفقرا خصوصا المساكين
وإرضى واقتنع بحالك وقول والله راضين
وصلى دايا وإدعى
نكون من المقبلين
واطلب من الله يسامحك
على غلطات السنين
وإحلف من يوم ورايح

ان كلامك يمينا
حأعيش عمري اللي باقي في صفوف المؤمنين
وحأرضى باللي مقسومي
ويا رب ليك حامدين
ساعتها لو جه دورنا
ننزل وأحنا أميين
وحاوصيكوا وصية لو مت تكونوا شاهدين
تقعدوا عند قبري تقرأوا سورة يس
وبعد كده زورني لو مرة كل حين
وافتكروا اني كنت عايش وبعد كده انا فين
ومسيركوا تيجوا معاي مها تطول السنين

اعمل خير

يا الله يا مؤمن

اسعى معاي لفعل الخير

حب وسامح وافتح قلبك وساعد الغير

ساعتها تحس بسلطة ونشوى وانت امير

أوعاك تكره او يوم تجرح او للمال تبقى أسير

ساعد وأجمع كل ماتقدر

تلقى البسمة ليها عبير

أياك تسخر منه وتقسى يعني ذنبه انه فقير

ح⁵اعمل حملة وأعلن فيها ان الخير لطريقي مصير

لازم نفهم علشان نعمل

لازم بروضه أبقى بصير

يا الله نشارك وندعي اصحابي

حنا وسمير

تلقي الخير متأصل فيك وانت صغير

حب وساعد وأرحم غيرك تبقى كبير

يا الله معاي نرفع رأية الوفي بالخير

حتى الدين والسنة بينادوا بحب الغير

حب ميت

حبيبي في بالي حتى وانت معاي
بأسمع صدى صوتك وأشوف عيونك في المرايا
معاك بانسى نفسي أنسى همي انسى ياسي
وياريتك دايا تكوني معاي
حبيبي معرفش أذوق في الكلام
ولا حتى اعمل ألحان
بس نفسي تكوني جنبي للنهاية
عارف انك حاسه بيه
بس مش هي دي القضية
القضية إني اصلا مش معاي
أنا يا حبيبي أتمنى اجييلك
عقد لولي .. شقة فخمة .. وعربية ضخمة

بس لازم صبر تاني علشان يجولي
مين حيصبر مين حيرضى باللي زي
رغم إني رغم سني شهاداتي تكفي
بس حأعمل ايه بالشهادة
المهم حبة إرادة
يمكن أفتح يوم عيادة
او حتى أسافر زي غيري
بس أهلك مش حيرضوا
المهم شقة وشبكة حتى لو عريسنا
سكة مش قضية
حتى لو كانت قضية في النهاية إنت مش ليه
أعمل ايه ؟؟؟؟
رغم حبي رغم حبك
لازم حيثحطم قلبي وقلبك

وحنفترق رغم اللي بينا
رغم مشاعرنا وحنينا
لكن ضعفي ورفض أهلك
حيكون مصيره موتي وقهرك
وانت طبعا خايفه منهم
من غير مقاومة قابلة مصيرهم
زيك أصلاً زي غيرك
عايزه عريس غني يجيلك
مش مهم اصله وفصله
المهم ازي نواصله
خلاص يا حبيبتى يا الله روحي
واقبلي وزيدي جروحي
لازمتها أيه وقفنتنا ديه
الحب اصله شعور وتضحية

بس أحلفلك يمينا^٥
حتندمي طول السنين
وأوعدك بكل طعنة في قلبي منك
في يوم حاشوفك بتكبري
كثير عن سنك
وانا خلاص مكمل طريقي
والوحدة والذكرى رفيقي
هما سلاحني عشان نجاحي لازم يكون
انا عشت مخلص وعمري يوم
ماقدرت أخون
حييتك بجد مش حب طايش
وحبك في قلبي دالسه عايش
بس خلاص ملوش لزوم
كلامي عنك بيزيد هموم

انا لازم أنسى كل حاجه تربطني بيبك
وأشق طريقي وأنا ناسيك
ويارب أقدر وأكيد راح أقدر
وأكيد زمني عمره ما يغدر
اللي غدر بيه انت وناسك
طعتوا قلبي ومات أحساسك

حب من غير أمل

' حب للنهاية '

حب للنهاية حبك جوه قلبي عايش معاي

عمري ما قدرت أبوح لك باللي جوابه

نظرة من عينك تكفيني

حتى لو كنت بتلموني

وشي كان بيعمر أما أشوفك

واحس برجفة بين ضلوعي

واحس برعشة لما طيفك يمر حتى في خيالي

' حبك عايش جوابه '

خيروني بينك وبين ناس كثير

يمكن أحلى يمكن أغنى يمكن يمكن

لكن أنت للنهاية

جوه قلبي عايشه معاي
لما حتى أجي أنام
كنت أشوفك في المنام
على المخدة رسمت صورتك
بين ضلوعي حفرت اسمك
وانت فين من ده كله
رغم انك زي ظلي
يمكن علشان كنت جاري
حبك اجمل شيء حصل لي
حتى لو ما انتش نصيبي
حأرضى وأسكت مش حادافع
عن حبي ليك
مش حاول إني أذياك
انت حرة في اختيارك

تقدرني تأخدي قرارك
يمكن ماجاتش يوم في بالك
ولا مر طيفي لحظة بخيالك
يكفيني حبي بس ليك
وكل يوم في حلمي أناديك
حبك خلاني سعيد
رغم إني عايش وحيد
من غير ما تبقى يعني جنبي
لكن حبك بيواسيني
زي شمعة تنور ليلى
هو حبك ياما ياما كتبت فيك
حكايات وقصص وحلمت بيك
وفي لحظة واحدة كسرت قلبي
وبكيت ومعرفتش أخبي

لما قالوا إنك خلاص
فرحك قرب ودعيت الناس
حاسيت بسكينة في قلبي
يعني خلاص ضاع مني حبي
ورغم ياسي ورغم حزني
قدرت أقاوم وأعيش واكمل
وقلت وماله بدال إختيارها
تعيش في هنا وأحيا أنا بنارها
الحب أصله في النهاية
شعور جميل عايش جوانا
مش يعني حاعمل زي غيري
وأقول ازبي أسيب مني طيري
يمكن غلطتي الوحيدة كانت سكوتي
فضلت أحبك وسيتك تفوتي

من غير ما أقولك على اللي في قلبي
يمكن تكوني اليوم ده جنبي
لكن خلاص انا مسامحك
وعمري ما حانسي يوم ملامحك
حبك حيفضل عايش جوايه
ونيس لقلبي حبك حكاية

نظرة عين

لما اقبلت عليها

ولست يداى يداها

نظرت في مقلتيها

وقبلت عيناى عيناها

وارتعش فؤادي عليها

فليس في القلب سواها

وكان لقائي إليها

كلقاء الغارق في بحرها

فهل يا قلبي تراها

تشعر بلوعة هواءها

فدائماً في قلبي ذكراها

ولطالما تمنيت الوقوف على مرساها

فقلبي ظمآن تسقيه عيناها
وروحي حيرة يرضيها رؤياها
ففي حديثها شفاء المرضاها
وفي صمتها هدوء وراحة في سكنها
فكل ما فيها يشدني للقيها
فأنا اسير حبها وهواءها

لوعة حبيب

قلبي معلق على رؤياك

فمتى ستأتي حتى أراك

فقد طال شوقي في هواءك

ونفذ صبري مين لي سواك

فداءك قلبي وعيني تراك

فهيأ أقدمي ومُدِّي خطاك

فهل غير قلبي مال هواك

فهيأ أفصحي وقولي لباك

ولو اني عرفت بمغزى مناك

لزداد شوقي لهفة في مُلتقائك

فمعنى وجودي هو في رؤياك

فهلأ أراني قريب من نجواك

أما زاع قلبك عن رُحماك
فانت الطبيب والدواء فداءك
فكفى قلبي منك كثرة جفاك
فهلا اهتديت وطاب هُداك

مناجاة حبيب

محبوتي :

أراك دائماً في طيف أحلامي
وأشعر بانفاسك تخفف آلامي

محبوتي :

أراك في كاسي إذا شربت
أراك في حزني إذا حزنت
أراك في صمتي إذا سكت
أراك في دمعي إذا تأملت
أراك في فرحي إذا ضحكت

محبوتي :

كيف أبرهن على حبي وإخلاصي
وحبك شاغلي حتى عن ناسي

أما لقلبك ان يشعر يوماً بأحاسيسي

محبوتي :

ناجيتك سرّاً فما أرحت فؤادي

وأصبحت سهواً باسمك انادي

ورسمت حلمي ليكون معادي

فأراك وأجالسك فيطيب سهادي

محبوتي :

أخاف عليك من الافصاح في إعلان

وقد أثقل كاهلي كثرة الكتمان

فهلا شعرتي نبضات قلبي التي تشقيني

فمتى؟؟ سأروى بناظري نظرة تحيني

محبوتي :

طال انتظاري

والوقت ما عاد يكفيني

فهل سأعيش أحيى على حلمنا

بلا أملا ييقيني

فأنت انت الامل ولا غيرك أبغى أن ينجيني

ألم يرسل قلبي شعاعاً لقلبك فأشعر به يناجيني

ألم ترسل عيني سهماً إلي عيناك فنظرة منها تكفيني

فإلى لقاء غير معلنا

ساحي في انتظاره حزينا

ملهمتي

ملهمتي

ناسك أنا في محرابك
ترى هل أنت الذنب
وأراك أنا بعين قلبي أفلا تشعرين
واحس بنبض قلبك فلا تحيين

ملهمتي

طال انتظارك وبداخلي حنين
وقاضت عيني وأرهقني الأنين
فأنت انت الحياة فمتى تكونين
عوناً لمحبوبك الذي بك يهيم

ملهمتي

أيعجز لسانك على الصفح المبين
أم تجمد قلبك فأقسم أن لا يلين

تحية للرئيس

طبعًا معاك مهما يقولوا

حافضة جميلك عمري بطوله

وبأقول في سري دا أنت هدية

وغضب عني وعن الدنيا ديه

"واقفين معاك"

وإزي نسيك وانت نصيينا

وحلفت انك تحيب نصيينا

وقلت كلمة عليك يمين

قد الدنيا مصري عظيم

شارب من نيلها حافظ جميلها

مهما يقولوا او يوم يخونوا

حتفضل انت دايمًا حامينا

وسد عالي للي يعاديننا
حيقولوا عسكر حيقولوا فكر
انت اللي انت بس اللي فيهم
ولا يوم حنقبل حجة تراضيهم
هاجموك وقالوا الدنيا غالية ...
وكل حاجة زادت في ثانية
نسيوا نجاحك في حاجات كتيرة
مدن جديدة وقناة جديدة
وحياتنا بيك بقت مجيدة
٣٠٠٠ طرق سريعة
من كان يفكر او حتى يقدر في الفترة ديه
انه يقدم لبلدنا هدية
وغير دا كله زرع كمان
مليون ونصف من الفدان

قمح يا ناس يبقى أساس
لثروات بلدنا ويساعد ولادنا
ويلقى حماس في نفوسنا ديه
وغير دا كله حل القضية
وفر بنزين واديننا تموين
من غير ما تدفع ولا مليم
ومش عاجيين ... طب يعمل ايه
وظروف بلدنا قاسيه عليه ... ومش ناسينا
ومهتم حتى بشوارع المدينة
شارع المعز عندك مثال
خلاه مزار وآيه في الجمال
بالذمة ريس ... ولا زيه تلقى في أي دولة
بيني يدافع وكمان يهاجم والأمن عنده أولى وأولى
واحنا يا شعب قاعدين

بنمصمص في الشفايف
ونقول ونهتف أكيد انت خايف
طب يعمل أيه ... يسيبها يعني ...
ريس حامينا عيشة أمينة
حتى لو غالية مصيرها يوم تروق وتحلى
وحتبقي أحلى بس إن صبرنا
حيكون مصيرنا ... امن ونجاح مش زي غيرنا
ماسكين سلاح
وبص جنبك فكر في سوريا
فكر في ليبيا أو حتى تونس
بقى أيه مصيرهم ???
وغيرهم وغيرهم
لكن إحنا لسه والفضل طبعا لجهود رئيسنا
اللي حامينا وصان أراضينا

تعيش يا ريس ... ويموت عدوك

وتعيش بناسك اللي اخلاصك

خلاهم هما سر حماسك

تسلم رئيسنا بس ياريتك تشوف شبابنا

وتزيع عذابنا ... ساعد كمان عاطل غلبان

نفسه في وظيفة لف ودار

ويرجع تاني جيو به نظيفة

علشان دا هما سنك وحملك

إزرع حتحصد الخير في شبابنا

وحتعدي بمصر وحتنسى عذابنا

مين هو الشعب

شعبنا طيب شعبنا أطيب شعوب الأرض

شعبنا فدائي بيحافظ دايبا على أرضه وبيحميها بالطول والعرض

شعبنا المصري دا أسطورة

ولا يمكن نرسمها في صورة

ولا حتى في غنوة نغنيها

ونقول بلادنا يحميها

شعب عزيمة فيها إرادة

ويحافظ على كل عبادة

شعب عاطفي كده بطبعه

والكلمة الحلوة في توابعه

شعبنا غلبان بيكافح علشان اللقمة

أو حتى في عيد يشترى هدمه

لكنه سعيد علشان في الشدة بيلاقى جنبه

أهله وحبايبه بيسانده

شعب جواه لسه شهامه

مهما اشتدت بيه الدوامه

تلاقي في الشدة الجدعان

بيدافعوا وبطولة بال

شعب بيوقر في كبيره

ويطبطب على ايد صغيره

شعبنا طيب كلمه تلمه

وكلمه وحشه تزيد همه

جرب لو كنت في مشوار

واصرخ وقول أنا بنهار

تلاقي الناس واقفة وياك

حتى لو كانت مش عارفاك

تلاقي هجوم وزحه عليك
ويمكن كمان دموع حواليك
شعب بيتأثر كده في ثانية
لو عنده هموم ماله الدنيا ... جواه إنسان
ورغم ان الدنيا كده معانده
ناسي همومه وبيناجي مولاه
علشان ربنا يسترها معاه ... دايما فاكراه
وفي عز الأزمة بيكون شاكره
ودايما بيقول الحمد لله
ودي كلمة بطيب خاطره
وييعرف يمشي على سطره
شعبنا طيب ... بيدافع من غير ما يهاجم
وفي وقت الذنقة يقوم هاجم
يعني فنان ... يقدر يلون

ويغير في ملاحظه وشكله ... من غير ما بيان

شعبنا من الاخر اسطورة

بتحاك في أكثر من صورة

طيب إنسان ... وعاطفي غلبان

وفي وقت الشدة تلاقيه بركان

رد الجميل

لسه يا ناس والله في الدنيا

خير جوانا عمره ما حيموت

عارف الكلمة الطيبة حتى لها تأثير عمره ما حيفوت

وزي ما قال المثل الجاري

"اعمل خير وارميه في البحر"

لازم الخير ربنا حيعينه ويرجع ليك على مر الدهر

ازرع طيب تحصد خيره

تلقى ثماره جت من غيره

عارف الصدقة دي هي حياتنا

والميت نفسه في حياتنا علشان ايه؟؟؟

على الغلبان بس يتصدق

وفي الخير دايا يسبق

وسبحانه المولى في كتابه
قال الخير حياقي ثوابه
لوما معكش حاجه تقدمها
قدم كلمة واخلي سبيلها
كلمة تساعد واحد مسكين
جرحه بينزف بقاله سنين
كلمة تعينه ينسى متاعبه
ويبقى كفاحه راح بمصاعبه
يا أأ على الكلمة الحلوة يا ناس
شجرة ثمارها دفاء وإخلاص
الكلمة الحلوة تقربنا
ولا يمكن حاجه تغربنا
والكلمة الحلوة دي جميل
عهد ومكتوب على الجبين

ان صاحبها يردها ليك
ولو يوم جار وتعال عليك
المولى حيحاسبوه عليها
وحيخسر ولا يوم يلاقيها
أما انت يا صاحب الإحسان
مين قدك في الدنيا كمان
المولى يبارك في ولادك
وأبواب السعد كده معادك
وسبحانه جلا من قال
وهل جزاك إلا الإحسان
احسن بحسن ربنا عليك
ودايبا تلقى خيره مكفياك
وصدق رسولنا الكريم وقال
ما نقصت صدقة من مال

ورسالتى كلها تقدير
لشخص ببرد جميل
ويقول أنا لك مديون
الكلمة الطيبة بتصون
ويارب الحمد دا ليك
والاحسان كله كان بيك
وياريت شعارنا يكون
الاحسان هو المضمون
المولى راح يرضى عليك
ويزيدك وفي الخير يديك
ويابركة دعوة علبان
مستنى رافة وإحسان
والفضل منك وإليك
تكرمنا وهدانا ليك

سد عالي يا حبيتي

يا حبيتي في قلبي ليك حب كبير

حب يخلي الصخرة

حتى في مكانها ممكن تلين

بس مش عارف أقول ... يمكن خايف

من الظروف او من العزول

إزي واحد زي فقير معدوم أسير

بيقضي يومه في الطوابير

ازي يجب بنت يقولوا عليها بنت ناس

رغم علمي وطول حلمي

بيقسمونا ناس وناس

بيني وبينك فرق كبير

هو الحل اداري عليك حبي

يمكن يحي عليه يوم أقدر أزيح فيه الهموم
وأقدر أقولك على اللي ساكن
جوا قلبي وهو حبك

أنا الشهيد

روح برضاى وكان استشهادي في الميدان اكيد
ضحيت بعمرى علشان تعيشوا من غير تنهيد
راح منى عمري وزهرة شبابي في ظلم عنيد
الفوضى كانت سبب لموتي غير التهديد
أهو دين ودفعتة وعليكوا انتم بقى التسديد
أمي بتبكي شايف دموعها ماأنا بصري حديد
خلاص يا حبيبتى من النهارده انا في عالم جديد
لا وسطة تنفع ولا كلمة تجرح ولا فيه تشديد
سبقني عملي على الجنة يجري وأنا سعيد
ياما عشت سنين احلم واتمنى اكون شهيد

أم الشهيد

رايح فين يا ابني يا وحيدي
خليك معاي سايني لمن
قال على الميدان اشارك زملائي
كفاينا بقى سنين ساكتين
مشي من ورايا وراح على الميدان
وفجأة سمعت صوت وأنين
الدم هرب ونشفت عروقي
وحسيت برجفة ودموع نازلين
إبني خلاص مات في الميدان
انا شايفه واحد فيه شايلين
اكيد مش هو دالسه طالع
صوته في وداني زي الرنين
بيقولي يا أمه انا ماسك طوبه

أرمني بيها ناس ظالمين
عايز حقي في أرض بلدي
كفايه بقى فقر ودين
طلعت عنيه في مذاكرة صعبة
وفي الآخر يامه عاطل حزين
دخلوا عليه شايلىنه بينهم
وشه بيضحك من المبسوطين
ماقالش كلمة يبرد ناري
وراح وسابني انزف حنين
دا كان وحيدي وسند ليه
أروح يا ربي وأشكى لمين
يا حبيبي يا ابني يا نور عنيه
الدنيا ظلمة والقلب حزين
أنا عارفه إنك شهيد يا ضناياي
وفي اللجنة انت من الفايزين

نصيحة شهيد

ياما حلمت عمري كله اني اموت في يوم شهيد

تكونلي صورة في الميدان

متعلقه في سور حديد

مكتوب عليها اسمي وصورتي

والناس تشاور اهوده الشهيد

وشي بيضحك ما فيهوش

دموع عرفت مكاني اللجنة أكيد

عاد ليه بصمة في بلدي تأثر

وتاريخنا حيكتب اسمي شهيد

لكن انتوا بروضه عليكموا مهمة

حافظوا على الثورة من التهديد

عايز توصل في يوم للجنة

عايز تموت زي شهيد
حافظ على بيتك من الأعداي
حافظ على أرضك وقول بلادي
ضحى وموت من أجل هدفك
ساعتها اكيد حتكون شهيد
هي الشهادة ثورة وخلص
معنى الشهادة يعني الإخلص
ويكون وجودي في الدنيا له معنى
أوصل بعلمي لآخر الدنيا وانفع ولادي
ويخلد اسمي في تاريخ بلدنا
ويقولوا عني دا كان شهيد

ساحيني يا أمي

آه يا أمي ياللي دايا شايله همي
من بدايتي لما كنت صغير وبأحبي
كنت ابكي على أي حاجة عايزها ابكي
وانت يا امه صبورة كنت تحنو
وتطبطبي عليه او تضميني لما أبكي
كان بكايا علشان لعبة
أو عشان حاجات مش فاهمها
وانت دايا حاسة بيه
وتقوللي بكره يجي الدور عليه
يعني بكره يا ابني تحس بيه
لما أكبر لما أعجز
والا عملته ليك في عمري كان بخطري

مش غصب عني بس بروضه لازم
انت كمان يا ابني تحس بيه
لما تلقاني مريضة أوعى يا ابني تقول أذيه
لما تلقاني مش قادرة أسمع حس بيه
بكره تكبر يا ضناياى بكره نفسي ألقاك وراياى سند وحماية
كل ده وأنا مش فاهم الكلام ده
يعني ايه أحس بيها وبلاش معاندة
ولما رجعت ذاكرتي بيه وافتكرت
سنين حنية وازي في يوم كنت
اصرخ في وشها وهي بروضة تطبطب عليه
ان قالتي مش حتسهر يا ابن اكبر
خش ذاكر علشان تنجح انت اللي ليه
مش حتلقى حد يحبك قدي يا ابني
مش حتلقى حد يضحى علشان بييني

وانا كنت بأهدم وهي تبني
إن قالتي كُلم ما اكلمش
هو بس عناد يا عمري
والنهارده الدنيا لفت والصغير كبر خلاص
ومر بتجارب عرفتوه معنى الاخلاص
وعرف يعني أيه أم تعاني
علشان تكبر علشان تفرح
وهدفها بس نجاح ولادها
تسلمي يا أمي الف مرة
وسايعيني لو في يوم سمعت مني كلمة مُره
عرفت قيمتك عرفت هدفك

ما يقال في الأدب

ليس الجمال باثواب تزينا

إن الجمال جمال العقل والأدب

ليس اليتيم الذي مات والده

إن اليتيم يتيم العلم والأدب

ليس الغنى في كثرة المال

إن الغنى غني النفس والأدب

ليس الفقر في قلة المال

إن الفقر فقر السعي بالأدب

ليس العلم تحصيلاً بلا هدف

إن العلم أعمال العقل بالأدب

ليس القوي من قويت عضلاته

إن القوي قوي الحجة والأدب

ليس المريض مريض الجسم والبدن

إن المريض مريض الضمير والأدب

تقاليع الشباب

تقاليع شبابنا حاجة تغيظ

بناطيل مقطعة وتعاويز

وقصه شعر عرف الديك

يقولوا عليها جامدة وشيك

ولبس أساويز وانسيال

وسلاسل فضة يا عيال

ولا نافع نصح وارشاد

يقولولك لخص في معاد

وغير البناطيل النازلة

غيروا كمان لون الجزمة

وبقت ماشاء الله كده لونين

علشان بيها نخزي العين

والله يا شباب دا حرام
عايشين في ظلم واوهم
تقاليع غريبة نقلدها
وموضة فارغة نعددها
نرجع ونقول دور البيت
بندور عليه بس ياريت
يهتم ثاني زي زمان
ويتابعوا اللبس وكله كمان
حتى المدرسة ليها دور
الكل في بلدنا مسؤول
كلنا بنكمل بعض ياناس
نبدأ صح حنبنني أساس

شكرًا يا أمي

شكرًا يا أمي

ياللي ياما عملت ليه

ياللي علمتني يعني ايه معنى الحنية

شكرًا يا أمي

ياللي دايا شايه هي من بدايتي

كنت دايا طريق هدايتي

شكرًا يا أمي

يا حبيبتي ياللي علمتني أحافظ على صلاتي

هي ابدالي في حياتي

شكرًا يا أمي

يارب دايا دايا معاي

ونجاحي كله دا مش كفايه

ست الكل أم الشهيد

ست الكل أم الشهيد

عيد الأم ليها أكيد

ضحيت بفلزة أكبادها

واليوم حنكتب أمجادها

سجل تاريخنا إنها أحسن ام

في الصبر دايبا شايله المهم

أحنا ولادك وحوالك

فخورين بتربية ايديك

ابنك شهيد راح على الجنة

يابخته فرحان يتهنى

حقك يا أمي تكوني فرحانة

وتدعي وكل الناس سامعانا

نحمي بلدنا لو حنوت
نفدي تراها بأعلى الصوت
ومها كان الفراق أليم
شهدنا يستاهل تعظيم
والعظمة لله اختاره
وفي أحسن مكان بقي جاره
على الجنة متهنّي وسعيد
مبروك عليك يا أم الشهيد

نفسي أفرح

من كثر الألم تعبت روحي
وساعات أبكي ويزيد نوحى

لكن في ألمي أنا بأخبي

وناقصني ناس تكون جنبي

وأه يا دموع بأداريها

وعن أقرب ناس بأخبيها

وملاحي بتقول دي سعيدة

والفرحة معاها في تايدة

ودموعي جوه في ضلوعي وغلبت أغبر موضوعي

وأرجع أصبر كده في روحي

وأقول للفرحة اوعي تروحي

زوريني لو حتى شويه

خلي في قلبك حنية

أغاني مهرجانات

أنا أصلي فاضي

يا عم كفايه علينا

قاعد بتبص ليه

بتقول ولاد خفيفة

هو احنا عملنا أيه

بنشرب السيجارة

وبنمشي كده في الحارة

ولا حد بيهمنا

طب هو ادا ذنبنا

أنا قاعد أصلي فاضي

فاضي مش لاقى شغل

وغلبت أشكي يا قاضي

ولا نافع ليه حل
ساعدي ألاقي شغله
وأريح كده بالي
وسعاتها نحل الأزمة
وادعيلك انت يا غالي
طب دا انا جوايا طاقه
في الشغل وفي النشاط
بس مستني فرصة
وأطير على البساط

يوم اليتيم

وصى الإله عز وجل على اليتيم

وقال في كتابه العظيم

فأما اليتيم فلا تقهر

وسبحانه الكريم لما بينذر

والآية دي مفهومها أيه

نشوف يتيمنا ناقصه أيه

اليتيم ناقصه الحنين

ناقصه حزن دافي يلين

يعني فرحة تنور عيناه

يعني ضحكة ارسمها ليه

مش بس أساعده بالسؤال

أو حتى اعمل له احتفال

وبعد كده ضاع الكلام

ولا فيه سؤال ولا اهتمام
سيدنا الرسول وصى وقال
أمسح دموع يتيم تنال
شفاعته في يوم الزحام
تبقى رسالته شاملة العوام
وهدفنا من الحفلة كمان
أزرع في قلبه ثقة وحنان
ويحس بشعورنا تجاهه
ويسعد أهله بعلمه وجاهه
ويعرف أنه مش وحيد
ويقدر يشارك في تاريخ جديد
ويسجل اسمه وسط الشطار
وبجهوده يقدر يصنع قرار
وساعتها تبقى رسالتنا ليه
وصلت اكيد ونجحنا بيه

الموتسيكل موت للنهاية

الاسم من وصفه كفايه

الموت أوله ونهايه

ويا خساره يا شباب موهوم

بتشيل عيلتك في هموم

لو مش موت يبقى تدمير

وبحادثة غيرت مصير

او جايز تعيش باعاقة

ويا خسارتك من بعد لياقة

وحتندم وحتخسر روحك

ولا حدش راح يسمع نوحك

ودا كله كله وانت محظوظ

ولا نافع وسطه ونفوذ

والطرف الثاني الغلبان
اللي سواقته بسرعة جنان
الموت مصيره ونهايته
وغدش من الدنيا كفايته
ياما غلب أهله يا ناس فيه
الموتسيكل يا ابني ارميه
او بيعه وسدد الأقساط
دا الدنيا تمحك في بساط
حتتهور وتشده بيدك
ولا ندم ولا دمع يفيدك
وحتكتب شهادة وفاتك
وخلص راح تنهي حياتك
وارتاح بس اتعب أهلك
موتسيكل الموت راح ينذهلك

وياريت يا شبابنا ياريت
تسمعوا مرة كلام البيت
وابعد عن موتسيكل الموت
خلي ضميرك يبقى له صوت

نداء للمصريين

يا كل مصري ... يا كل مصرية

إحنا ليه بنختلف أكيد في حاجات ممكن تقربنا

يعني مثلاً الأرض ديه ... أرضنا

عايشين عليها كلنا ... دايبا في خيرها بتضمنا

حتى الديانة ... مقولش قبطي ولا مسلم

دا إحنا قرآنا أعظم وأسلم

دين التسامح والمحبة والقبول

لا عمره فرق بين غني أو فقير

وقال السلطة كمان تزول

طب يعني أيه ... طب يعني ليه

ولحد أمتى ... كل يوم في وطننا حد نبكي عليه

فكرين زمان ... عشتوا الأمان

طب ليه مبرجعش تاني ليه
علشان ولادنا يقدرُوا يعيشوا عليه
فكر في إبنك أو في بتك
عايز تسيله لو مشيت من الدنيا آيه
تسييله سلطة وتطلع عنيه
ولا الأمان يبقى إلا ليه
إوعاك تقول دا كان وكان
كفاينا بقى ... لوم وجنان
إطوي معانا كتاب قديم
وإبدأ وعيش وإنت كريم
والظلم لازم يوم يروح
بس إحنا وأنت نقدر نطبطب على الجروح
ونداوي اللي نقدر عليه
ونسلم لبعض وكفايه ليه

ମନେ କରନ୍ତୁ କେହି କି
ମନେ କରନ୍ତୁ କେହି କି
ମନେ କରନ୍ତୁ କେହି କି
ମନେ କରନ୍ତୁ କେହି କି
ମନେ କରନ୍ତୁ କେହି କି

ندالة الغربية

يا صاحبي اسمعني شويه

كفايه ظلم وأسيه

قاسيت كتير وبقي لي سنين

غريب في غربه ما فيها حنين

ودموعي بتواسي جروحي

وعمال بداري في ضلوعي

واسأل في روعي عمايلك ليه

قسوة وظلم علشان أيه

دا أنا وانت عايشين في الغربه

لا فيه جليس ولا فيه صحبه

يا صاحبي فين الحنيه

ضاعت وبقي بينا ازيه

دا أنا اللي ياما وقفت معاك

ولا كان لي شغلة إلا رضاك
وبعد ما وقفت على رجلك
نسيت في لحظة كل ماليك
يعني مع الغربة أسيه
وفي الآخر انا روحت ضحيه
نفوسنا بيغيرها المال
ولا عاد فيه رضا ولا راحة بال
يا خسارة يا ابن بلدي عليك
دا أنا ياما خوفت وقلت أفديك
لكن انت يا يعني وقابض
ولا همك عشرة ولا روابط
وآه يازمن كله مصالح
الشاطر اللي بيتصالح
ويبيع أخوه علشان نفسه
وفي الآخر بيخسر ياناس نفسه

عقوق الوالدين " أم الرجالة "

أم الرجالة يا خسارة دي حقيقة يا ناس
مش بس كلام ولا فيركه كده وخلاص
بعد ما تربي وتعلم ينسى المحروس
واول حاجه ينساها طبعًا عارفين
أمه ... اللي ضحت علشانه وكافحت سنين
عاشت تحلم بأولادها وتقول دول عزوه
ويا ما ضغطت على أعصابها
وكرت ديونها وحسابها
ودا كله علشان ... علشان تربي رجالة
قالت مفيش حاجة محالة
وفي الآخر ينسى ويعيش
وتعيش هي في وحدتها ولا تلاقيش

ونيس ينور كده ليلها
ويكون سندها واملها
لكن يا خسارة يارجاله على ورق الحايط
نسيتموا ضميركم وفكرتموا بس في الصيت
يمكن تكونوا عايشين في نفس البيت
لكن لا بتسأل ولا تنزل ولا يوم عدت
وفي ناحية تانية بنلاقي رجالة تانيين
يزهق من امه ويرميها في دار مسنين
ورجالة تانية تسيبها من غير ضمير
تتأجر تكافح من الأول ومفيش سبيل
تلاقيها عايشة كده وحيدة من غير أولاد
ولا حد بيسأل ولا يزوها غير في الأعياد
وحكايات كثيرة فيها مآسي ويكفيننا الشر
عقوق الوالدين زادت ولا عاد فيه بر

ألبوم ذكرياتي

صديقتي ... قوليلها ألبوم ذكرياته اكتمل

قوليلها إن جرحك خلاص أندمل

قوليلها انها كانت الأمل وكانت الحلم

اللي انتظره سنين من غير ملل

قوليلها إن غدرك وجرحك كان سبب

وكان له مفعول العجب

قوليلها أنها فجرت ميت بركان غضب

وتعب لما طيف حبك نضب

ومن بعدها جاني يدق الباب ألف طاقة أمل

ونسى معاها اللي شافه منك

والعلل لكن الغريب

إن صورك مش موجودة في ألبوم ذكرياته

معقول ... انتي اللي منسيتش ما حاربتيش

هو ضحى لكن انتي لا

هو واضح وإنتي غامضة

بس خلاص خلص الكلام

والخيط انقطع من غير سلام

بس حلفت بدموع عينيه

راح تندمي إنك رفضتي تكوني ليه

ورغم جرحي ورغم حزني

قدرت أحولهم لفرحي

وصمدت ونجحت في حياتي

وخلاص ماليت ألبوم ذكرياتي

بس إنت ملكش مكان

وحبك في قلبي في خبر كان

قصيدة النهاية

"هي مصر"

عرفتوا مين هي الحبيبة

وهي اللي من قلبي قريبة

هي مصر اللي عايشين في خيرها

واللي مستنيه نطيب خاطرها

هي بلدي اللي ليها عندي مكان

اللي فيها بأشعر بأني صحيح إنسان

وبأحس بيها لما أسيبها

لما أسافر عن دروبها

أرجع وأحن بسرعة ليها

وأقول حبيبي وخيري فيها

هي الوطن اللي في قلبي ... ياما داريته

وفي صمت حبي عن أغلى الناس كما خبايته
كنت فاكر إني أقدر إني أعيش
لاقيتني وحدي من غيرها جنبي تاني مليش
هي أرضي وهي عرضي للنهاية
ومهما حاحكي في حب مصر دا مش كفايه
بلد الأمان عيشه بسلام
مصر دي ايه ليها تاريخ
ذكره القرآن وحديث شريف
فسر حكاية يعني الخلاصة
حبك يا بلدي بقى عندي غاية
يحميك ربي وتعيشي دايمًا منصورًا بينا ومرفوعة الراية

متغربين

متغربين في بلد واحدة
بدل ما تبقى أيدنا واحدة
والظلم كده وفي أي مكان
لا يهم أخوك ولا حتى جيران
خلافنا بقى على أي كلام
ولا فيه إحترام ولا أي سلام
بتقولي أرضى بكلامك
يا أما أقاسي بملامك
بالذمة هو كده الدين
فرق وخلي الشك يقين
لا يا أخوي يا مسلم لا
مش بالازية حتبقى إله

قرآنا قال نعامل الناس
بالرحمة واللين والإخلاص
عايزين بلدنا تعيش في أمان
مسلم مسيحي في أرض الأديان

حافظوا على مصر

يا الله يا مصري إنفض قوم

كفاينا كسل كفاينا لوم

أدف يا الله وأنقذ بلدك

إنت صحيح شاطر في العوم

مش عايزنها ثورة وفوضى

عايزين نصحي بقى من النوم

قولت مطالبك إصبر حبه

سيبك بقى من العصا والشوم

ولا لقيت الموضوع ساهل

قلت أغرف بقى بالكوم

عشت سنين الظلم بعينها

فقر وجوع ونقول صوم

حقي وحققك راجع تاني
بكره حناكل عسل ودوم
يعني نصبر بس شويه
ونبدأ صح لو من اليوم
يعني نحافظ على أمجادنا
وننسى صور الظلمة اليوم
نبدأ صفحة جديدة علينا
نختار شكل للألبوم
كل العلماء هنا من بلدي
امتازوا بأبحاث وعلوم
إوعى تضر أرض بلدنا
ترجع تبكي تاني وتلوم
عارف عشت الفقر معانا
ومن خير بلدي أنا محروم

ياما ضحيت عشان الظالم
وأنت حقت كان مهضوم
لكن الوقت خلاص إتغير
وصوتي حيوصل تاني مفهوم
لكن إوعى نخسر أرضك
حتعيش فين وأنت مهزوم
هي بلدنا وغاليه علينا
يالله نحافظ بقى ونقوم
كل واحد يخلص في عمله
إنت خلاص بقيت ملزوم
كل حقوقنا ... حتوصل لنا
لكن واجبي أنا بيه ملزوم
واجبي نحافظ على أراضينا
وساعة الجدد تلقى هجوم

لو فكر يعاديك غريب ...
ادفينه ... فيك وبلدي تدوم
وإمسح دمعك من على خدك
تعيش يا مصر وفيك نجوم
يحمي ترابك يا أرض بلادي
من سينا لحد السلوم
يا أرض الجنة دا الخير فيك
واصل الدلتا والفيوم

في حب الرسول

طابت بحب المصطفى الأوقات

وتزينت بمدح الأبيات

خير البرية وخاتم الرسالات

صلى عليك المولى في سمواته

واتزينت سدره المنتهى باللقاءات

وتعلق إسمك بالذات الإلهية في الصلوات

فأنت الإمام المصطفى من جاء بالرحمات

أعزك الله بالأخلاق والعبادات

فكنت قرآنا تسير على الأرض والطرقا

فأنت القدوة والمثال وصاحب المعجزات

من كان مولده في عام الفيل يوحى بالبشارات

فقد أذل الله القيصر في سكناته

وأزل عرش كسرى في لحظات
وجاءت البشارة بمولد البشير فتحياي
من ذاق اليتيم وأنزل الرحمات



فهرس القصائد

obeikandi.com

فهرس القصائد

الصفحة	القصيدة
٣	إهداء
٤	مقدمة
٥	الافتتاحية " حبييتي مين "
٨	وطني مين يشبهك
١١	وطني
١٢	يا رب احمي مصر
١٤	وأه يا مصر " الطيارة المنكوبة "
١٥	الباخرة سالم اكسبرس
١٧	شوفت الغلبان
١٩	ليه يا بلدي
٢٣	رسالة للوطن العربي
٢٥	يا رب احفظ مصر
٢٨	في حب مصر
٣٣	مصر مين

الصفحة	القصيدة
٣٦	صعبانة علي يا بلدي
٣٨	قناة السويس الجديدة
٤١	طوق النجاة
٤٤	مسافر
٤٧	حنيني مصر
٥٠	بأحلم
٥٣	عزيمة المصري
٥٦	بحبك يا مصر
٥٨	انتصارات أكتوبر
٦٠	أمسحي دموعك
٦١	مسلم وقبطي
٦٣	راضي بحالي
٦٧	الهجرة غير الشرعية
٧١	تجار السموم
٧٥	كله سلف ودين
٧٧	كيف تعامل المرأة
٨١	وبعد لك يا زمن
٨٣	قطر الحياة

الصفحة	القصيدة
٨٧	اعمل خير
٨٩	حب ميت
٩٤	حب من غير أمل
٩٩	نظرة عين
١٠١	لوعة حبيب
١٠٣	مناجاة حبيب
١٠٦	ملهمتي
١٠٧	تحية للريس
١١٢	مين هو الشعب
١١٦	رد الجميل
١٢٠	سد عالي يا حبيبي
١٢٢	أنا الشهيد
١٢٣	أم الشهيد
١٢٥	نصيحة شهيد
١٢٧	سامحيني يا أمي
١٣٠	ما يقال في الأدب
١٣١	تقاليع الشباب
١٣٣	شكرًا يا أمي

الصفحة	القصيدة
١٣٤	ست الكل أم الشهيد
١٣٦	نفسي أفرح
١٣٧	أغاني مهرجانات
١٣٩	يوم اليتيم
١٤١	الموت سيكل موت للنهاية
١٤٤	نداء للمصريين
١٤٧	ندالة الغربية
١٤٩	عقوق الوالدين
١٥١	ألبوم ذكرياتي
١٥٣	قصيدة النهاية "هي مصر"
١٥٥	متغربين
١٥٧	حافظوا على مصر
١٦١	في حب الرسول
١٦٣	فهرس القصائد

تم الصف والإخراج الفني

بمركز الصفا للكمبيوتر

مصر - منية سمند - دقهلية

هاتف: ٠١٢٢٧٥١١٠٠٣ - ٠١٠٦٦٩٨٤٠٥٥
